




Պ Ա Շ Տ Ո Ն Ա Կ Ա Ն

ԱՄԵՆԱՅՆ ՀԱՅՈՑ ՀԱՅՐԱՊԵՏԻ ՇՐՋԱՐԲԵՐԱԿԱՆ ԳՐՈՒԹՅՈՒՆԸ ՄԱՅՐ ՀԱՅՐԵՆԻՔԻ ԵՎ ՍՓՅՈՒՌՔԻ ԲՈԼՈՐ ԹԵՄԵՐԻՆ

Հյուսիսային Ամերիկայի Հայոց Արևելյան թեմի նախկին առաջնորդ գե-
րաշնորհ Տիրան արքեպիսկոպոս Ներսայանը հրահանգել է թեմի եկեղեցիներին՝ Հայ եկեղեցու պատմական տիտղոսի վերա հավելուլ «ՕՐԹՈԴՈՔՍ» մակ-
դիրը, որի դեմ բազմաթիվ բողոքներ ենք ստացել: «Օրթոդոքս» մակդիրը Հուլյն
և Ռուս եկեղեցիների և վերջինիս ավտոկեֆալ (ինքնանկախ) եպոպների արտա-
հայտիչ մակդիրն է: Այսու հայտարարում ենք Հայ եկեղեցու արքուականներին,
առաջնորդներին և հայ ժողովրդին, որ Հայ եկեղեցու պաշտոնական անունը
կամ տիտղոսն է «ՀԱՅԱՍՏԱՆՅԱՅՑ ԱՌԱՔԵԼԱԿԱՆ ԵԿԵՂԵՑԻ», որ և՛ պատմա-
կան է և՛ դարերի գործածությամբ սրբագործված Հայ եկեղեցու և ժողովրդի
կողմից, և ո՛չ ոք իրավատեր է հիշյալ պատմական տիտղոսի վերա հավելում
կամ հապավում կատարել:

Հայ եկեղեցու օրենսդիր մարմինը— Ամենայն Հայոց Կաթողիկոսի նա-
խագահությամբ գումարված ազգային-եկեղեցական ժողովն է, որի որոշում-
ները միայն օրենք են, երբ նոքա հայտարարվում են Ամենայն Հայոց Կաթո-
ղիկոսի հայրապետական կոնդակով:

Հայտարարելով վերոհիշյալը, այսու հորդորում ենք բոլոր հոգևորակա-
նության և եկեղեցական մարմիններին՝ նախանձախնդիր լինել վերոհիշյալ
սկզբունքին, հեռի մնալ ինքնովի կարգադրություններից և ազատ մնալ պա-
տասխանատվությունից: Ազատ է ամեն ոք գիտական ուսումնասիրություններ
կատարել, սակայն ո՛չ գործադրել ուսումնասիրությանց արդյունքը, առանց
իրավատեր մարմնի քույլավության:

Գեորգ Զ

ԾԱՅՐԱԳՈՒԹՅՆ ՊԱՏՐԻԱՐԻ
ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Էջմիածին,

10 դեկտեմբերի 1953 թ.